



UNIVERSITÄTS-  
BIBLIOTHEK  
PADERBORN

**R. P. Lvcaë Pinelli Societatis Iesv, Theologi, Exercitia  
Spiritvalia Qvdraginta, De Sacrosancto Eucharistiæ  
Sacramento**

**Pinelli, Luca**

**Coloniae, 1608**

Meditatio De sanguinis Christi inter flagella effusione.

---

[urn:nbn:de:hbz:466:1-59691](https://nbn-resolving.org/urn:nbn:de:hbz:466:1-59691)

DE V. VVNER. CHRISTI. 119

proximorum defectus sine indignatione,  
tolerem, te in hoc imitans, qui in tantis  
angustis constitutus, cum inuenires disci-  
pulos dormientes, non indignatus es,  
nec eos statim conuotus excitasti.

Quarto largire animi fortitudinem &  
constantiam, vt quando opus est, pati non de-  
fugiam, tui exemplo, qui cum scires te in  
horto capiendum esse, fugam non iniustis  
sed vt nostra saluti consuleres, hostibus  
te inueniendum obtulisti. Super omnia  
vere factus, vt prompto & parato animo,  
calicem quem mihi praeberit DEVS,  
ebibam, & crucem quamcunque imposue-  
rit, feram. Amen.

MEDITATIO

De sanguinis Christi inter flagella  
effusione.

PUNCTA MEDITATIONIS.

**C**ONTEMPLARE anima  
mea, quomodo innocentissimus  
DEI Filius, cum nulli culpae  
obno-



obnoxius esset, ad flagella tamen uti facinorosus & infamis latro condemnatus, & Iudæorum hostium suorum potestati traditus fuit, ut flagris eum cederent, quantum vellent.

2. **CONSIDERA** quomodo vilissimi satellites ingenti cum ferocia & clamoribus, mansuetissimum **IESUM** aggressi fuerint, illumque ad terram sine respectu prostratum, omnibus vestibus immaniter spoliauerint, & nudum cum magna ipsius verecundia ad columnam ligauerint,

3. **EXPENDE** tecum, tam ingens fuisse odium Iudæorum in Christum, ut truculentis flagellatoribus persuaserit, tam fortiter & immaniter Christum cederent, quo sub flagellis spiritum exhalaret: timebat enim ne à Pilato præside post flagellationem, uti affirmauerat, dimitteretur.

4. **CONSIDERA** vilissimos illos iustitiæ ministros, tam crudeliter Christum flagris cæcidisse, ut non ipsi modò aspergerentur sanguine, vnde quaque à puris & innocentibus Christi humeris defluente, sed etià habitaculi illius muri eodem sanguine tingerentur,

5. **ASPICE** anima mea sacros Regis gloriæ humeros, qui ex ictuum violentia, primum rubescunt, postea liuorem ac nigredinem



DE V. VVLNER. CHRISTI. 124

gredinem contrahunt, demum toti cruciantur ac sauciantur.

6. **CONSIDERA** Christum quamuis in hac flagellatione ingentes senserit dolores, propter complexionis suae teneritudinem, nihilominus magna cum animi fortitudine, amore nostri, hosce dolores, atque ignominiam probrosi huius supplicij sustinuisse.

7. **REVOLE** tecum, quam benigne Iesus se habuerit erga suos tortores; cum enim animaduertere posset non modò in flagellatores, sed etiam in eos qui huius supplicij causa erant, noluit; imo potius omnem hanc iniuriam eis donauit, & pro illis apud Patrem intercessit.

COLLOQVIVM. I.

**Q**uod est Domine, ingens illud sacrilegium à purissima carne tua committum, quod eã tã crudeliter cædi ac laniari patiaris? Nunquid ea quæ non tuleras, iure voluisti, vt adimpleres, quod de te alicubi scriptum est Psalm. 68. *Quæ non rapui, tunc exolebam*: O Amorem immensum, & sine vlla spe utilitatis. Nos sumus latrones, nos sacrilegi, nobis debebantur flagella, sed



sed ingens amor tuus, in humeros suos, eadem suscepit, ideoque merito dicere possumus. *Eesai. 53. Vulneratus es propter iniquitates nostras, attritus es propter scelera nostra.* O Pater celestis, hiccine est principatus, hocine imperium illud, quod pollicitus eras constituturum super humerum eius? *Heu. Ecce Filius tuus speciosus forma pro filijs hominum, (Psal. 44.)* ita vulneribus deformatus est, propter flagellationis vehementiam, ut reputemus illum, *quasi leprosum, & percussum à DEO. (Eesai. 53.)* O Anima mea vide quomodo Christus inter tot contumelias & probra, quibus abiectum hoc hominum genus cum impetebat, non indignetur, non quærat, non verbum unum proferat, sed velut incus immobilis maneat ad flagellorum ictus. Erige aliquantulum afflicte IESU, pios oculos tuos, & truculentos illos tortores aspice, forsitan hoc aspectu corda illorum ad misericordiam permovebis, quemadmodum paulò ante simili aspectu cor Petri ad pœnitentiam permoveuisti, vix enim tuos oculos in eum defixerat, quando confestim lapsum suum agnouit, & foras exiens *fleuit amarè.* Ita & hi tuis oculis respecti & sauciati, forsitan tibi compatiuntur, flagella abijcient, & egredientes peccatum suum amaris lachrymis deplorabunt.



rabūt. Sed heu! obſtinati permanent in crudelitate ſua, & in malis tuis exultant, tamq̄ attendenti ſunt ad tuam flagellationem, vt oculos tuos non intueantur, ſed humeros duntaxat quos feriunt, ideoq̄ corda eorum tuo aſpectu vulnerari nequeunt.

COLLOQVIVM II.

**O** Spiritus Angelici omnes ſimul deſcendite, & videbitis ſpectaculum in terris nunquam antea viſum vel auditum. Videbitis Regem maiestatis, nudum ad columnam, velut hominem maximorum criminum reum ligari. Videbitis Dominum gloriæ, vt ſeruum fugitiuum flagris cadi. Quis vnquam cogitaſſet, quod Deus filius vt nos à vinculis peccatorum abſolueret, ad colūnam ligari dignaretur? Quis ſperafſet, quod mundi Saluator vt nos ab æternis tormentis liberaret, flagris cederetur, & alijs indignis modis torqueretur? O charitatē immenſā. Nos, Domine, ſcelertibus noſtris, flagellis te oneramus, & tu, amore tuo, beneficijs nos oneras. Vt tibi anima mea, ſi tantos fauores nō agnoueris. Vt mai⁹ adhuc tibi, ſi eos agnoſcens floccifeceris, nec eis per grati animi ſignificationem reſpōderis, Eia truculēti tortores, deſiſtite tandem.



tandem, tempus est etenim, à flagellatione Domini mei. Non cernitis, Esai. i. à plantis pedum vsque ad verticem capitis, nullam in corpore salutem? Nulla enim in corpore illius pars est, quæ à vobis cæsa & vulnerata non fuerit. Si nulla tamen in compassione, sufficiens saltem vobis, quod ex tam diuturna flagellatione lassum & fatigatum estis: Cæterum quod sibi vult Domine, quod vulnus sacrum humerum tuorum instar fontis sanguinem scaturit: Nunquid ut ovis perdita, quam requireres de cælis descendisti, in humerum tuos sublata, haberet unde hiberet & que nutrirerit? O felicem ovem, quæ digna fuerit tali passione, & tali potu. O tortores, ex ouibus sancti huius Pastoris esse cupitis, accedite ad eum; tanta enim est charitas ipsius, ut vobis libentissimè omnem noxam condonaturus, vosque benignissimè suscepturus, & in humeros suos sublatus salutifero sanguine suo, qui vitam æternam confert, nutriturus sit.

## ORATIO.

**A** Mantissime ac piissime IESU, reobsecro per sanguinem à sanctissimis humeris tuis defluentem, & summum dolo-



rem, quem purissima caro tua in flagella-  
 tione sensit, largire mihi gratiam & for-  
 titudinem ita mortificandi corpus meum  
 cum omnibus illius appetitibus inordinatis,  
 vt semper obtemperet rationi & spiritui.  
 Tu Domine nosti conditionem carnis no-  
 strae, qua a seipsa, (veluti terra maledicta)  
 nihil aliud progerminare nouit, quam spi-  
 nas & tribulos. Nosti etiam quam sit au-  
 steritatis & disciplina aduersaria, quam-  
 que voluptatum & priorum commodo-  
 rum amica. Nosti denique necessitatem  
 meam, quae tanta est, vt nisi (ad exemplum  
 Pauli Apostoli i. Cor. 9.) castigem corpus  
 meum, & in seruitutem redigam, metu-  
 endum mihi sit, ne reprobus efficiar.  
 Quando quidem ergo creasti & redemisti  
 me, vt saluus fierem, adiuua, reboram & ex-  
 cita me ad subiugandam & edomandam  
 rebellem hanc carnem, quo spiritus sal-  
 uus fiat. i. Cor. 5. Super omnia vero depre-  
 cante, impartire mihi gratiam, flagella  
 omnia DEO permittente super me veni-  
 entia, patienter & equanimiter toleran-  
 di, atque fructum desideratum ex illis re-  
 ferendi. Amen.